

## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

**Gavanti, Bartolommeo**

**Antverpiæ, 1634**

De Festis, in quibus cantandæ sunt duæ Missæ in Ecclesijs Cathedralibus & Collegiatis. XV.

**urn:nbn:de:hbz:466:1-40262**

238 Comm. in Rubr. Missalis. Pars IV. Tit. XIV.

Clerus per ordinem, ultimò Celebrans cum Diacono à sinistris, omnes  
cum cædelis accensis in manibus: & cantatur<sup>1</sup> Antiphona & sequentes.

Eadem omnino sunt obseruanda  
quæ notauiimus in Processione Palmarum. neque duo Subdiaconi adesse  
debent, quod aliqui scripsere.

<sup>1</sup> Antiphona sequentes.] Habentur

in Ordine Romano, sicut & quinque  
Orationes pro benedictione. Prima  
quoque Antiphona cum initio le-  
quentis habetur in Sacramentario Gr.  
goriano.

7 Finita Processione, Celebrans & ministri, depositis violaceis, accipunt  
paramenta alba pro Missa: & candelæ tenentur in manibus accen-  
sæ dum legitur Euangeliū, & iterum ad elevationem Sacramenti  
usque ad Communionem.

Causæ deduci possunt eadem quæ  
suprà par. 2. tit. 1. 3. nu. 3. pag. 182. sed  
à ministris candelæ non tenentur in  
Missa; à Celebrante ad Euangeliū tan-  
tum, ab alijs ad elevationem quoque:  
standū tamen erit, etiam cum candelis,  
post elevationē, non genuflectendum.

8 Si ob pluviā non itur extra Ec-  
clesiam, fiat idem, quod in simili casu  
diximus in Processione Palmarum.

9 Amouetur pallium violaceum, si  
Missa dicenda sit de Festo beate Virgi-  
nis, in qua Præfatio erit de Natuitate  
Domini, ex Decreto Gelasij, teste Pa-  
melio tom. 2. Liturg. à qua Natuitate  
dies hæc 40. est, & terminus quidam  
legalis, vnde & Collecta est de Chri-  
sto præsentato principaliter, de Purifi-  
catione accessoriè: purificatis (ait Ec-  
clesia) mentibus præsentari.

10 An verò in Missa de Dom. Se-  
ptuagesi, siu tenendæ candelæ accensæ  
ad Euāgeliū, &c. ex verbis Rubricæ,

sit tantum benedictio & distributio can-  
delarum, & Processio, & Missa dicitur  
de Dominica, & infra: Accipiunt para-  
menta alba pro Missa: & candelæ tenen-  
tur in manibus accensæ dum legitur  
Euangeliū, &c. videtur inferri, can-  
delas accensas teneri in honorem be-  
atæ Virginis, & consequenter in eius-  
dem tantum Missa. Marcellus in Cer-  
mon. Papæ lib. 2. c. 28. meminit earum-  
dem trium, ut fiant. Missa autem, inquit,  
fit de Dominica: in qua, ut in Diary  
Cerimon. Cappella legitur, non arde-  
bant candelæ benedictæ: neque Roma  
in Ecclesijs Patriarchalibus sancti Pe-  
tri, sancti Ioannis, sanctæ Mariæ Ma-  
ioris accenduntur in prædicta Mis-  
sa. Nota, quod in Cappella Papæ non  
semper accenduntur; quia hodie sem-  
per ibi Missa fit de beata Virgine, cu-  
ius nomine dicata est Cappella, ex De-  
creto Clementis VIII. licet occurru-  
it in Septuagesima.

De Festis, in quibus cantandæ sunt duæ Missæ in Ecclesijs  
Cathedralibus & Collegiatis. X V.

**D**E obligatione cantandi duas  
Missas in Festis, quæ occur-  
runt in Ferijs maioribus, extat aperta

Rubrica in prima par. tit. 3. nu. 1. pag. 4  
& fusiūs hac de re nos opimus<sup>19</sup>  
par. tit. 11. à num. 7. ad 12.

<sup>2</sup> Hoc

2 Hoc igitur loco enumerabimus sigillatim Festa, in quibus eæ cantari debent, ordine mensum seruato, alijs additis opportunis Notis.

3 Et in Decembri quidem non occurrit casus in Ecclesia vniuersali, neque in mense Ianuario: in sequenti verò Februario contingere potest casus (si in eundem mensem incidat initium Quadragesimæ) in Festis SS. Agathæ & Romualdi, in Antiochena Cathedra sancti Petri, & in Feste sancti Matthiæ Apostoli, & item, si in eiusdem Vigilia occurrat Antiochena Cathedra extra Quadragesimam.

4 In Martio accedit sæpius. In Festis sancti Casimiri, Thomæ Aquinatis, & in Missa solemini de his Festis fieri commemoratio sancti Lucij, & SS. Perpetuae & Felicitatis, Quadragesinta Martyrum, Gregorij Papæ, Iosephi, Ioachim, Benedicti, & Annuntiationis beatæ Virginis: in Missa vero de Feste Semiduplici secunda Oratione & tertia erunt eadem quæ in Missa de Feria.

5 Quod si Festum Annuntiationis beatæ Virginis in eos dies incidat, qui occurront à Feria 5. in Cœna Domini usque ad Feriam 3. Paschatis inclusuè, quamvis in Rubricis generalibus par. 1. de Translat. Festorum tit. 6. pag. 14. ratione tituli Ecclesiæ, vel concursus populi concedatur, posse cantari aliam Missam de Feste, ultra Missam correspondentem Officio; tamen decreuit sacra Rituum Congregatio die 9. May 1606, quod in prædictis diebus non dicatur Missa de beata Virgine, neque etiam in Æde sacra Lauretana: poterit autem cantari in primo triduo maioris Hebdomadæ, sine commemoratione Feriae, & in eius fine dicetur Euange-

lium S. Ioannis. quod semper obserua in Missa de Feste distincta à Missa de Feria maiori, quando ambæ cantantur eodem die, ut alias docuimus.

6 In Aprili, si intra Quadragesimam venerint Festa sancti Francisci de Paula, & sancti Leonis Papæ, duæ cantantur Missæ: si verò alicubi accidat Festum Semiduplex, à Dominica Passionis ad Dominicam Palmatum, in Missa de Feste dicuntur duæ tantum Orationes, nempe secunda Ecclesiæ, vel pro Papa; sicut etiam in Missa de Feria.

7 In Feste sancti Marci Missa Litaniarum maiorum cantatur sine Gloria, Credo, & cum Praefatione Paschali, cum Orationibus tribus, ut in Litanijs minoribus; nisi terminetur Processio ad Ecclesiam sancti Marci, quia cantabitur de Feste, ex Decreto lacræ Rituum Congregationis 23. Maij 1603. si verò incidat in diem Paschæ, vide quæ diximus par. hac tit. 11. numero 10. pag. 275.

8 In minoribus Litanijs, si occurrat Festum Semiduplex, aut Duplex, cantantur duæ Missæ, de Feste, & de Rogationibus.

9 In Vigilia Ascensionis Domini cantantur duæ, de Vigilia, & Rogationibus; illa post Sextam, hæc post Nonam. Quod si occurrat Festum nouem Lectionum, cantari debent tres, Missa de Feste post Tertiam, reliquæ, ut dictum est. vide quæ diximus tit. 11. num. 14. pag. 276. Et Vigilia Missa post Sextam dicitur, contra Alcocer, quia non ieunatur hæc Vigilia. & indicatur hic ritus par. 1. tit. 15. num. 2. pag. 50. ubi Hora Nona tribuitur Missæ de Vigilia, quæ ieunatur; ergo non illi quæ non ieunatur, præsertim in concursu duarum Missarum, inter quas

Qo aliqua

290 Comit. in Rubr. Missalis. Pars IV. Tit. XV.

aliqua debet mediare Hora, ex Fran-  
col. quod alias diximus. & hic est sen-  
sus Rubricæ Missalis, quæ alioqui est  
obscurior.

10 Mense Iunio accidere potest Vi-  
gilie S. Ioannis & SS. Apostolorum in-  
fra Octauam, ex novo Decreto, & in  
Octaua die Corporis Christi; & tunc  
duæ cantantur Missæ: in Missâ verò  
Vigilie Præfatio communis dicitur, vt  
suprà pag. 42. In festo item S. Leonis,  
nisi transferatur, cantantur duæ, de  
Festo, & de Vigilia Apostolorum: in il-  
la fit commem. de Octaua S. Ioannis,  
& tercia Oratio est de B. Virgine, in  
hac verò de B. Virgine, & Ecclesiæ  
vel pro Papa; quia Festum & dies in-  
fra Octauam sunt similia, congruit il-  
lis color albus, & Hymnus Angelicus.  
In Ecclesia tamen S. Ioannis Bapti-  
stæ non dicitur Credo in Missâ huius  
Vigilie; sicuti neque dicitur in Missâ  
Rogationum maiorum, vt docuimus  
suprà num. 7. in Festo S. Marci. eadem  
enim est ratio.

11 Mense Julio occurrit casus can-  
tandi duas Missas, quando anticipat-  
tur Vigilia sancti Iacobi in Sabbato;  
vel transfertur Festum sancti Appol-  
linaris in Feriam secundam: & in his  
casibus Missæ duæ cantantur, de Fe-  
sto, & de Vigilia.

12 Mense Augusto, si Vigilia san-  
cti Laurentij fiat in Sabbato anticipatè  
in festo SS. Cyriaci, &c. vel Festum  
SS. Cyriaci, &c. transferatur in Fe-  
riam 2. duæ Missæ cantantur.

13 In Vigilia Assumptionis B. Vir-  
ginis Missa de Vigilia non admittit  
Gloria, neque Credo, etiam in Ecclesia  
S. Laurentij; eadem ratione quam at-  
tulimus paulò suprà num. 10.

14 Extra Romanam contingere potest  
Vigilia S. Bartholomæi in die Octa-

Etiam Assumptionis B. Virginis occu-  
rente in Sabbato; & eodem modo can-  
tabuntur Missæ, de Octaua die, &  
de Vigilia, in qua neque Gloria, ne-  
que Credo, neque Præfatio de B. Vir-  
gine, pari ratione quam decrevit sacra  
Rituum Congregatio in casu, de quo  
numero sequenti.

15 Mense Septembri occurtere po-  
test Feria Quatuor Temporum quam  
in die Octaua Nativitatis beata Vir-  
ginis, & in Missâ de Feria non dicitur  
Gloria, neque Credo, neque etiam Præ-  
fatio de beata Virgine, sed communis  
dicitur, ex simili Rubrica, de qua  
suprà num. 7. quæ habetur in Missâ  
in Missâ Rogationum. & ita decrevit  
S. Rituum Congregatio die 12. Di-  
cemb. 1626. me petente: & anno 1617,  
casus occurrit.

16 In Festis SS. Cornelij & Cy-  
priani, Stigmatum S. Francisci, SS. Li-  
nuarij, &c. SS. Eustachij, &c. & san-  
cti Lini, occurtere possunt Quatuor  
Tempora Septembribus, &c. tunc duæ  
cantantur Missæ.

17 Vigilia S. Matthæi semper ha-  
bet duas Missas, alteram de SS. Eustac-  
hio & socijs, alteram de Vigilia. Si ac-  
cidit in Ferijs Quatuor Temporum, in  
altera Missâ de Feria Quatuor Tem-  
porum fit commemoratio de Vigilia,  
& tercia Oratio erit *A cunctis*: in Mis-  
sa verò de Sanctis, secunda Oratio, *A  
cunctis*, tercia ad libitum. sed Euange-  
lium Vigiliae non legitur in fine; quia  
non fuit lectum in Officio.

18 Mense Octobri non accidit ca-  
sus. In Nouembri duæ Missæ can-  
tantur in die Commemorationis om-  
nium fidelium Defunctorum, ex no-  
va Rubrica Missali addita, altera de  
die infra Octauam post Tertiā, alte-  
ra de Requiem post Nonam, seu post  
Vigi-

Vigilias Mortuorum; quia in Missa de Requiem fieri non potest Commemoratio illius de quo fit Officium. Hocloco monentur Sacerdotes, Sacrificium Missæ Defunctorum hac die applicandum esse omnibus Defunctis, ex intentione Ecclesiae: neque ideo fit iniuria ijs, pro quibus quotidiana forte extat obligatio Missæ. præualet enim lex tacita rationabilis Ecclesiæ priuatæ legi testatorum.

19 In Absolutione solemini Defunctorum hac eadem die, quia solent multi circuire sepulchra, illud obseruare debent, quod ultima Absolutio facienda erit ad lecticam mortuorum, cum & *Libera me longiori, & Oratione, Absolue,* in numero plurali: quæ habetur inter Psalmos Graduales. Eadem autem hic militat ratio, qua *Burchardus* supra pag. 13. nos monuit, ultimo semper loco recitandam esse in Missa orationem *Fidelium*, quæ est Generalis pro Defunctis, post Collectas speciales, ut hæc ultima ceteras colligat. Ad alia vero sepulchra posunt distribui Responsoria Nocturnorum, addendo singulis v. *Requiem*, vti sit in tertio & sexto. Fiat al persio & incensatio ter, in medio, à dextris, & à sinistris, cum Orationibus, vt in Missali, de pluribus, omissis Secretis. Post Orationem non dicitur *Requiem*, &c. nisi post ultimam Absolutionem, quæ fit in medio Ecclesiæ; cui additur per

Cantores, *Requiescant in pace. Amen.*

20 Vbi flunt alia solemnies Missæ pro Episcopis, Canoniciis, & alijs, ne tamen omittatur Missa de die infra Octauam omnium Sanctorum: argumento à fortiori sumpto ab ijs quæ diximus num. 18. etenim Missa hæc de Requiem vicem gerit Anniversarij; quod non excludit Missam concordantem cum Officio. Vide pag. 10.

21 Addam hoc loco, quod initio Aprilis, & in fine Maij, seu initio Iunij, aliqua Sanctorum Festa mutant ritum à tempore non Paschali ad Paschale, & è conuerso, Missæque Officia, si propria desint, sumenda erunt de Communis: sed Missa S. Barnabæ dicitur vt in Festo S. Marci, præter Orationes, Epistolam, & Euangelium.

22 Denique, vbi celebratur Festum sanctissimi Rosarij ex Decreto Gregorij XIII. de quo dicemus in Commentarijs Breuiarij, ne tamen dicitur ea Missa, quæ nomine Rosarij circumfertur, concessa tantum Ordini Prædicatorum à sacra Rituum Congregatione die 25. Iunij 1622. & prohibita fuit alijs eodem die, & rursus die 8. April. 1628. sed fiat Missa vt in Festo sanctæ Mariae ad Nives, quod obseruatur in Aede Lauretana, ex Synodo Diaœcœana 1626. vel vt in Nativitate, mutato nomine in Festiuitatis, quod fit Bononiæ: sed illud prius magis placet.

## De Rubricis Missarum Communis Sanctorum. XVI.

**C**ommunes Missæ inseruiunt tum celebrandis Sanctorū aliquorum Festis quæ habētur in Calendario, & nihil habent propriū, vel non habent omnia, vt videre est in Proprio Sanctorum; tum celebrandis co-

rum Festiuitatibus qui extra Calendarium occurunt in pluribus locis, præsertim vero Patronis locorum, & Titularibus Ecclesiarum, qui omnino nihil habent proprium in Missali.

2 Est autem libetum cuicunque re-

Oo 2 citare